

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
JU SLUŽBA ZA ZAPOŠLJAVANJE  
TUZLANSKOG KANTONA  
TUZLA**

Broj: 01-11-4-1504-5/23  
Tuzla, 30.11.2023. godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, broj: 39/14 i 59/22 ), člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine i preporuke Komisije za javne nabavke date u Zapisniku o pregledu i ocjeni ponuda broj: 01-11-4-1504-4/23 od 29.11.2023. godine, v.d direktora donosi:

**ODLUKU**

o izboru najpovoljnijeg ponuđača

**Član 1.**

Za najpovoljniju ponudu za nabavku servera, računara i računarske opreme, bira se ponuda ponuđača Teneo doo Sarajevo, sa cijenom u iznosu od 59.800,00 KM bez PDV-a.

**Član 2.**

Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**Član 3.**

Ova Odluka objavit će se na web stranici JU Služba za zapošljavanje Tuzlanskog kantona – [www.szztk.ba](http://www.szztk.ba), istovremeno s upućivanjem ponuđačima koji su učestvovali u postupku javne nabavke.

**Obrazloženje**

Na osnovu Odluke o pokretanju postupka broj: 01-11-4-1504/23 od 02.11.2023. godine i Obavještenja o nabavci objavljenog na portalu javnih nabavki “E-nabavke” broj: 647-1-1-67-3-45/23 od 03.11.2023. godine, putem otvorenog postupka javne nabavke, pokrenut je postupak nabavke servera, računara i računarske opreme. Sažetak obavještenja je objavljen u Službenom glasniku BiH.

Kriterij za dodjelu Ugovora je najniža cijena ponude, u skladu sa članom 64. stav (1) tačka b) Zakona o javnim nabavkama.

Za predmetnu nabavku predviđena je e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16).

Rok za dostavljanje ponuda bio je 24.11.2023. godine do 11:00 sati.

Javno otvaranje ponuda je održano 24.11.2023. godine u 11:30 sati, u prostorijama JU Službe za zapošljavanje Tuzlanskog kantona Tuzla.

Na osnovu Zapisnika o zaprimanju ponuda, kao i Zapisnika o otvaranju ponuda, utvrđeno je da su stigle dvije ponude i to:

- Ponuda ponuđača Teneo doo Sarajevo, u iznosu od 59.800,00 KM bez PDV-a i
- Ponuda ponuđača Bosnien Business Systems- BBS doo Sarajevo, sa cijenom u iznosu od 59.825,00 KM bez PDV-a.

Nakon što je izvršeno otvaranje ponuda, Komisija je pristupila pregledu i analizi istih, dana 24.11.2023. godine, kada je utvrdila da obje ponude ispunjavaju sve uslove tražene tenderskom dokumentacijom te je shodno tome, zakazana predviđena e-aukcija.

Nakon održane e-aukcije, Komisija je nastavila sa radom, a na osnovu Izvještaja o toku i završetku e-aukcije, utvrdila je da su cijene ostale nepromijenjene nakon završene e-aukcije. Komisija je temeljem kriterijuma „najniža cijena“ konstatovala da je najpovoljnija ponuda ponuđača Teneo doo Sarajevo, u iznosu od 59.800,00 KM bez PDV-a.

Sve naprijed navedeno je konstatovano u Zapisniku o pregledu i ocjeni ponuda, kao i Izvještaju Komisije za javne nabavke, koji su dostavljeni v.d. direktor-a na razmatranje.

Prilikom donošenja ove Odluke, v.d. direktor-a nije našao razloge koji bi bili osnov za neprihvatanje preporuke Komisije za javne nabavke. Ocijenjeno je da je Komisija za javne nabavke u svemu postupila u skladu sa Zakonom o javnim nabavkama i podzakonskim aktima koji regulišu ovu oblast.

Shodno odredbama Zakona o javnim nabavkama, podzakonskim aktima i općim aktima Službe, kriterijumom za vrednovanje ponuda „najniža cijena ponude“, donosi se Odluka o izboru najpovoljnijeg ponuđača, kojom se Ugovor o nabavci servera, računara i računarske opreme, dodjeljuje ponuđaču Teneo doo Sarajevo, u iznosu od 59.800,00 KM bez PDV-a. Iz navedenih razloga, primjenom člana 64. stav (1) tačka b), a u vezi sa članom 70. stav (1), (2), (3) i (6), odlučeno je kao u članu 1. ove Odluke.

#### **POUKA O PRAVNOM LIJEKU:**

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 10 (deset) dana od dana prijema ove Odluke, u skladu sa članom 101. stav (1) tačka d) Zakona o javnim nabavkama („Službeni glasnik BiH“, broj: 39/14 i 59/22).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

#### **DOSTAVLJENO:**

1. Ponuđačima (2x)
2. Sektor za finansije i računovodstvo
3. Odjeljenje za pravne i opće poslove
4. a/a

Pripremila:  
mr.iur.Ahmetović Berisa, bachelor prava  
Stručni savjetnik za javne nabavke i pravne poslove



v.d. DIREKTOR-a

Miralem Softić, dipl.oec